



UNIVERSITÄTS-
BIBLIOTHEK
PADERBORN

Universitätsbibliothek Paderborn

Galeoti Martii Narniensis De Homine Libri Dvo

Galeottus <Martius>

Basileae, 1517

Svpercilia

urn:nbn:de:hbz:466:1-31834

SVPERCILIA

Supercilia.



INFR A frontem sunt supercilia sic uocata, quoniam cilio superposita sunt. Plinius undecimo naturalis historiae. Extremum genae superioris antiqui cilium uocauerunt. Vnde & supercilium.

Sed quoniam his annuimus, his negamus, mobilia enim sunt, partemque animi nostri indicant, ideo supercilium interdum fastum ac superbiam, plerumque grauitatem insinuat.

Supercilia
pro fastu
& graui-
tate, qua-
re?

Vergilius in priapeis.

Conueniens Latio pone supercilium.

Id est, grauitatem. Iuuenalis.

Si cum magnis uirtutibus affers

Grande supercilium, & numeras in dote triumphos,

Pro fastu & superbia. Quamobrem etiam pro eminentiori loco ponitur. Vergilius in Georgicis.

Ecce supercilio cliuosi tramitis undam

Elicit.

Hieronymus in libro numeri. Illo mortuo in montis supercilio, descendit Moyses cum Eleazaro. Sed qui prominentibus supercilijs sunt Sillones dici putat Nonius a Silleno, is enim hirsutis supercilijs fuisse tradit. Et in his quoque mores hominum deprænderunt physiologi. Nam supercilia quibus porriguntur in rectum molles, quibus iuxta nasum flexa sunt austeros, quibus iuxta tempora inflexa derisores, quibus in totum demissa maliuolos & inuidos significant. Sed supercilia in tutela Iunonis esse dixerunt ueteres. Nam his oculi proteguntur per quos luce fruimur, quam Iuno tribuit, unde & Lucina dicta est. Interstitium supercilia supra

Sillones.
E super-
cilijs, ho-
minum
mores ar-
guuntur.
Supercilia
in tutela
Iunonis.
Iuno, Lu-
cina.

supra nasum disternās (quare sine pilis ut plurimū esse consuevit) glabra siue glabella nominatur. Martianus Capella in primo. quarum una de osculata Philologiae frontē illic ubi pubem ciliarū discriminat glabellae medietas. Glaber em sine pilis dicitur. Vnde facetiarū suarū memor Plautus in Aulularia dixit. Tu istū gallum si sapias glabrionē reddes mihi. Gallus gentē & pullum significat. & Glabrionum familia Romae erat. Vnde Accilius Glabrio uir Romanus fuit. Hic sermo uidebatur insinuare, ut ex Gallo Romanū faceret, cū diceret, ut depilaret pullum, glabrumq; redderet.

Glabra.
Gabella
Glaber.
Locus
Plauti.
Gallus.
Glabrio.
familia.

• NASVS •

A Glabella initium sumit nasus, ibiq; summum nasi est. ubi uero dilatatio in nares se fundit, imum nasi dixerunt ueteres. Suetonius. ij. de duodecim caesaribus, cum de Augusto loquitur, Mediocres aures, nasum a summo eminentiorem, ab imo deductiorem. Sed nasus pro signo uituperationis ponitur. Nam ita Plinius in proemio naturalis historiae. Quod si hoc Lucilius, qui primus condidit stili nasum legerit, quasi abusionem & uituperationem reputabit. primus enim satyricum carmen cōscripsit. in quo utiq; uituperatio uniuscuiusq; continetur. nasus autem dixit quasi uituperationis signum, haecenus Plinius. quod profecto non mirum est. Nasus enim sagacem sapientiam recte representat, sumpta trāslatione ab animalibus. nam canes & uultures olfactu inquirunt, & quaedam animales sola odoratione suos ab alienis discernunt. Sapiens igitur & cautus est, qui odoratu abstrusa quoq; intelligit. Martialis. Non cuiusq; datum est habere nasum.

Nasi ini-
tium.
Summa.
Imū nasi.
Nasus p
signo, ui-
tuperatio-
nis.

b hoc est